

Fwen Lauxngux Byahoengz

红山老五歌

Lanz Loz

- (1)

Lauxngux ok Sawvuen,
Dawz ma cienz dienyah.
Sih neix mbouj vunz maz,
Guh fwen ma danhmingh.
Meh seng caet lwgsai,
Song lwg dai biengz luenh.
Haj beixnuengx guh ranz,
Gou baizhangz daihhaj.
- (2)

50 nienz gaijfang,
Bae Hozsanh giuzging.
Gauj ndaej daihngeih mingz,
Haeuj Cienjgyangj Cunghyoz.
Meh lij coz guh maiq,
Baengh cuzdaih caez bang.
Nienzgeng 40 bi,
Daengz neix goj roxnyinh.
- (3)

Doeg cunghyoz bi lai,
Bik gai mehczw ndangq.
Laeng gyaranz byouqbyangq,
Dauq ma ranz langh czw.
Haemh siengj doh youh doh,
Cungj aeu ra loh byaij.
Meh gvanz gwnz gvanz laj,
Haq heiq mbouj ok hanh.
- (4)

Nguxnyied doiq ngoenzciet,
Gwnz haw diepcih gangj.
Naeuz Yizsanh Swhfan,
Daeuj lajmbanj ciuseng.
Dangqgonq doeg swhfan,
Mbouj fanz aeu cienz bouj.
Gou sien bae bauqmingz,
Simcingz caen dwg angq.
- (5)

54 nienz seizhah,
Faen bae Da'myauzsanh.
Son Lwgmyauz baenz ban,
Deng gwn nanh haujlai.
Ndawsim angqfaifai,
Haenqrengz byaij baenaj.
Baiq ganbu guh sae,
Laeng menh bae hwnjdangz.
- (6)

Baujsoengq bae Gveilinz,
Haeuj Minzcuz Swhfan.
Bizyez gauj yindung,
Loek deng an "youbai".
20 bi caengz ndaej,
Faenzcieng cienz daengz ging.
Caux goek miuz guh ndei,
Soh daengz bi gag hanh.
- (7)

Yamqdin ok Gveilinz,
Dungxliengz daengz gyaeujhoq.
Yunghsim ganq baenz go,
Miuz cin soh deng nei.
Loek veh baenz "youbai",
Haih gou byongh ciuhvunz.
Uengjfeiq dungx bitmaeg,
Dawz bae saek conghdoh.
- (8)

Ndawbiengz faen baenz sam,
Gamhanh youq daihseiq.
Nienzgeng ngeihcib ngeih,
Ruz boek vih hwnjrumz.
Guh hong deng souhheiq,
Ndawsim caen mbouj gam.
Haeuj ndaw "Miuhgimsienh",
Nyienh cang yiengh roengz gveih.
(caengz sat)

Mwngz Haengjdingh Rox

你一定知道

Yenz Giuj / 严九

Mwngz haengjdingh rox gwnzbiengz miz aen guek heuhguh
Cungguek,
Hoeng mbouj haengjdingh rox Cungguek Guengjsae miz
aen dieg heuhguh Bingzgoj,
Gyoengq vunz Bingzgoj simsoh lauxsaed,
Gij laeuj Bingzgoj rang doh cien bya fanh rungh.

Mwngz haengjdingh rox haplangh gwnz haij mizseiz sang
lumj bya,
Hoeng mbouj haengjdingh rox gwn faex cop youq gwnz bya
ngamq hai gak duj va,
Gij rang dujva hawj gou mizrengz,
Gij saek duj va hawj gou simlangh dangqmaz.

Mwngz haengjdingh rox aen goj gizneix riuz ndaej cien bi lo,
Hoeng mbouj haengjdingh rox aen dieg Bouxcuengh miz
cungj fwen heuh fwenleux,
Gij sing fwenleux hawj gou simmaez,
Gij cingz fwenleux hawj gou nanz ndaej doxdeuz.

Fwenleux, fwenleux, fwenleux,
Fwenleux dwg gwnzbiengz duj va gyaeundeideu,
Fwenleux,
Hawj gou riu ndaej van,
Fwenleux,
Hawj gou lumz haemzhoj,
Fwenleux,
Hawj gou ciengxlwenx sim'angq.



Dahsau Mauznanzcuz doq fwen doq dawz laeuj angqcoux gyoengq bouxhek.
Loz Yangz ingj.

Cin Bae Hah Daeuj

春去夏来

Canh Sij

Duj va gwnz faex caengz mbin sat,
Duznon ndaw bya gaenq doxeu.
Ronghndwen ciuq hau diuz rij ndeu,
Go'nywj engq heu song henz loh.

Seizcin lumj dah ngonz mbouj doh,
Seizhah lumj mboq yimzyimz ma.
Haemhneix roeg heuh youq ndaw naz,
Soengq cin baemaoux hah daeuj.

Daihdeih haemq mwn mbwm haemq raeuj,
Seizneix dwendaucoux rox geijlai?

Rumz doeng lizbae mbouj miz mai,
Va'ngaeux caeg hai biengzbeih douh.

Gizneix mbouj raen ronghndwen gaeuq,
Ngoenzcog ndit youh ciuqyiengh miz.
Cae naz guh sat naz engq biz,
Hongnaz youq giz lij engq lai.

Ndwenngoengz gingjsaek ndei yaek dai,
Ndaundeiq da hai caemh daeuj cunz.
Ronghndwen ce rongh soengq ranz vunz,
Daengngoengz cuengq ndit mbouj hunzgyoenx.